

王文直公遺集

館後學趙佑宸
謹署



04724

戰門李公墓碑銘

道光二十九年正月戊戌直隸通州運河道戰門李公墓

先是公由霸昌道擢順天府尹

召對勤政殿任事六日得

旨仍以道員記名其左遷之故莫能明也順天尹視漢京兆班史所載若趙張三王類以威嚴擊斷名能舉職至循吏諸傳大都奉法順流與民休息其治與京兆殊科蓋辨治姦邪主威斷撫循疾苦重慈良使文翁朱邑諸人與趙張三王易地而治其長且不足自見或適敗之我

王文直公遺集

卷五

一

宣宗皇帝撫馭天下日久其因能授職為地擇人其於長短優絀之數知之熟矣以公循循儒者知非趙張三王者儔獨以文翁朱邑之所為相任授公雖左遷而

天子知公不為不深蓋公之足以自見者在是也公諱廷際字戰門別號萼村濟南之章邱人祖世注國子監生考葦祖考均
以公官

誥贈中憲大夫公幼慧家貧力學負文譽年二十補縣學生道光五年充選拔貢生八年中式鄉試舉人九年會試成進士以知縣分發直隸補新城縣知縣有惠政十五年大計以卓異晉

秩調玉田遷宛平京縣升深州直隸州知州故事京縣以順天四路捕盜同知為升階其升直隸州知州自公始也先是華陰李公德知深州政尚嚴明公繼其後人稱二李然華陰使人畏公使人愛二十一年

詔舉賢守令總督訥爾經額以公名上

召對稱

旨授廣東雷州府知府擢湖北上荆南兵備道以江漲疏防鑄秩調直隸霸昌道未幾有順天府府尹之命既而改授通州運河道以卒得年六十歲自公筮仕餘二十年歷京畿及楚粵諸王文直公遺集 卷五

卷五

二

省然守雷州僅一月霸昌未至順天尹才六日耳跡其生平施效蓋於州縣最久公故以文章名及為牧令所至輒取其子弟秀良薰染而淬厲之政事之暇親為指授以是士奮於學新城玉田深州間人材輩出皆號公弟子而新城戴公尤深東槐昔過其地父老知為公鄉里問曾否識公且言新城久鮮鄉舉者公令斯邑以文學振之自後科第相繼至今新城之人猶時時念公也嗚呼公於新城擬諸朱邑之桐鄉矣公娶耿氏贈恭人繼娶呂氏封恭人子寶嬰癸卯舉人寶赤附學生以道光三十年四月庚午墓公章邱萼莊之原公文宗歐陽永叔詩出入香

山義山著有新城縣志紉香草堂等集公之葬也隴州知州馬君國翰既志其墓寶嬰等復請論次行績刊之於碑東槐與公以拔貢同出何文安公門繼復同官京師知公頗悉不得辭因掇其大者著之其詳於馬君志者畧焉銘曰

儒生作吏紉於申韓聿古有訓治民曰安公起縫掖文章鬱勃操尺寸柄潤以經術終乃監司始維牧令官曰親民孰樂孰病公孫布被晏嬰狐裘不貪為寶維民之憂新城民飢公來飼之荊州民溺援之庇之獄訟無欺政理則和案牘紛沓不廢詠歌蘭澤芳草載出其芽樹之百獲儲為國華勿為蒼鷹願作祥鳳王文直公遺集卷五三

京兆六日慮違厥用維公才猷

帝深鑒之銘公無慙慈惠之師

山義山著新城縣志紉香草堂等集公之葬也隴州知州馬君國翰既志其墓寶嬰等復請論次行績刊之於碑東槐與公以拔貢同出何文安公門繼復同官京師知公頗悉不得辭因掇其大者著之其詳於馬君志者畧焉銘曰

節孝于太姑墓碑

于太姑姓王氏滕之蓋村人余族曾祖太學生漢舉公之女也幼喪母育於祖母楊年十九適鄒縣于君寅閱二載于君沒姑守節十有六年於嘉慶

日年

月日卒年三十有七道光

丁亥余編輯族譜載入節姑傳中今年春族祖雪菴屬余叙其事將刻諸石余惟婦人之義從一而終故古者夫死稱未亡人明夫有死無二義固如是也姑固不以殉夫死然彼十有六年之間其心豈嘗一日忘死哉方于君之沒也姑矢志殉夫數欲自經婢媪覺而守之不獲死祖母楊孺人諭之曰兒死固善然王文直公遺集

卷五

四

吾無女汝少依吾汝即死何以處我且獨不為夫嗣計耶姑泣受命既而嗣叔氏子殤姑悲感痛觸鬱鬱成疾日進粥數甌或經日不食孑然一室冰寒霜苦曰吾與泉臺人共此况味也楊孺人聞而憂之逆歸遂日侍祖母側親眷問視皆謝絕迨祖母棄世而姑亦旋卒蓋姑之心死已久矣姑卒後復立叔子某為嗣於

年

月

日合葬於于氏之先塋督學何公給

匾額曰蔚為女宗辭曰

猗歟太姑稟德貞潔擷蘭蕙之清芬挺松柏之勁節三歲為婦兮靡室勞一朝遭禍兮心斷絕拚糜身碎首相從於地下兮念

大母之恩深牽慈帷而不忍訣病軀輾轉強自持兮甘藜荼與
冰雪勞夫君之久待於泉臺兮腸一日而九結秋江湛湛湘竹
淚春雨淒淒杜鵑血淚盡血枯幸得遂吾初心兮羌一笑而同
穴鳧嶺崔巍泗流幽咽中有佳城兮白楊森列千齡萬代兮永
昭芳烈

王文直公遺集

卷五

五

大母之恩深牽慈帷而不忍訣病軀輾轉強自持兮甘藜荼與
冰雪勞夫君之久待於泉臺兮腸一日而九結秋江湛湛湘竹
淚春雨淒淒杜鵑血淚盡血枯幸得遂吾初心兮羌一笑而同
穴鳧嶺崔巍泗流幽咽中有佳城兮白楊森列千齡萬代兮永
昭芳烈

宗海劉先生墓表

今上御極之元

詔天下郡縣舉孝廉方正邑人士以宗海劉先生應

詔先生辭學博公篋亭寓書勸駕辭益力是時士有力急功名

者爭希薦牘以進先生獨不可士以此愈重先生謂先生辭其

名而有其實也按先生諱有源姓劉氏宗海其字滕著姓也先

世兵部公宏緒仕明以節顯祖方隆父作賓皆不仕先生醅厚

質重刻厲好學初入塾穆然若不慧者及覆所習英敏異常治

經史嚴立課程晝有事夜必盡力以補之既冠入邑庠試高等

王文直公遺集

卷五

六

食餼嘉慶丙子舉於鄉再上春官不遇遂絕意仕進家居內行

孔修侍父疾彌月不解衣帶居喪一慟輒嘔血數斗伯仲三人

友于周至每自館歸過兄弟曰償逋需若干乎卒歲需若干乎

出金置几上欣然去仲兄歿撫遺孤成立家屢空絕口不言財

利人亦不敢有私餽環堵蕭然味道自樂嘗客某所偶不合一

夕襟被徑歸其風概如此先生既靜退足跡不及城市而問字

者屢常滿先生說經鏗鏗尤精四子書於宋元以來諸說析剔

膠葛獨標要義嘗言讀書必貴心得不然縱多記儒先傳註猶

糟粕耳又言為人必謹衣冠慎言動道理方有頓置處生平進

止有常坐立必正以端非仁義忠信弗道也少曾習六壬遁甲
復讀靈樞素問等書以及甘石之經靡不通曉而初不以自見
治詞豔曲深惡痛屏以為陷害人心甚於鴆毒而世目為風騷
謬矣為文章振筆直書根於理而形於氣自達所見而止獎勵
後進樂道人之長久與之處如坐春風飲醅醴也吾邑風尚士
多好古敦質行自張白雲顏東田殷筠圃諸老歿推先生為典
型及門之士鄒嶧魚沛間表表庠序百數十人登科第者肩相
屬也古云薰德善良不其然與邑修道一書院成聘先生主講
席以疾不赴卒年六十有九配陳孺人子二長諧南庠生次諧
王文直公遺集

卷五

七

雅憶自壬午春東槐偕羣從執經先生門飫聞道德之論十八
載於茲及先生易簣而東槐遠宦千里外不獲同及門諸子啟
手啟足盡其傷矣今長君諧南屬表先生墓追念提命嗚咽何
能措一語顧以從遊最久受知最深其又敢辭謹按事狀所述
徵諸夙所聞見質陳本末以求當於先生平日務實去華之意
九原可作其許小子之不欺乎哉嗚呼

合歸靈曲點無辭無以爲御害人以善公誠毒而世目爲風騷
獻辭靈曲素問等書以及甘石之經靡不通曉而初不以自見
止有常坐立必正以端非仁義忠信弗道也少曾習六壬遁甲

西湖居士靈表

道光乙巳十月從兄西湖居士卒於家越月訃至都東槐為位南向哭之每欲次述生平以傳示後人及回憶當年情事輒歛歔擲筆而罷今墓有日矣乃拭淚而叙之曰君諱樂筵字燕喜先伯父太學公長子先祖贈檢討公家孫也吾王氏世居滕西蓋村居近獨山湖亦稱西湖君因取以自號云君生而聰穎讀書日可千言少年豪縱不竟其業雕鞍駿馬馳驟柳陰水曲間或度曲以教歌者而已乃彈絃以和之弱冠更自悔求師學制藝將藉以取功名既而從宗海劉先生游先生門下故多士若

王文直公遺集

卷五

八

邵樂田孔藉山馬文東諸君類一時英俊君輒與旗鼓相當不少讓每屬文下筆立就嘗於歲暮詠雪一夕得詩三十章衆驚其敏異然竟不能一當有司年四十乃仕為衍聖公府屯官更名希惠取不卑小官之義蓋自嘲也東槐少於君六歲幼同筆硯自顧才出君下遠甚論學取友亦惟君是依東槐幸叨一第而君乃困頓抑鬱俯首下僚豈非命與君遇事慷慨能急人之難其舅氏孫君因事繫獄君力為營護至以身出入犴狴竟其事而後已當嘆夷之擾粵閩海上連兵累歲不決君憤激欲上書乞假一節渡海說琉球呂宋暹羅諸國合兵殲之聞者皆笑

以為狂即君亦自分不必有是舉而語則壯矣癸卯君遊京師東槐適歸省不相值遂成永別君之歿也有母在年且八十哭君涕出血昔昔見若有人在側問之則君也母謂子既死何來答曰兒身死心未死時來侍母耳嗚呼儒者罕言鬼神惟忠孝所結生死不能間之以君至性故應有是悲夫君其目不瞑也耶君卒年五十配葉孺人子一宜鈞君嘗修譜祠及醫藥活人鄉里德之東槐獨取君風概以表君之靈復係以詩曰

燕臺風急吹暮雪千里傳書紙凍折開絨涕墮肝腸結幾年南
北雁影分登高望斷鳧山雲鹿鳴呦呦惜離羣君來北遊逼歲
王文直公遺集 卷五 九

暮濤沲水深敲冰渡我歸君去仍歧路同祖兄弟君小宗祖硯
研磨兩人同君如黃鵠我飛鴻君胡脫屣向蒼顛蓉城何處蓉
花老擲下一卷未焚草憶昔文酒君主盟呼朋對壘旗鼓爭出
沒五兵紛縱橫燭花高燒神瀟灑東方度語難索解個中會心
外人駭此樂未央跡已陳君向西湖賦白蘋乘田作吏儕隱淪
魂兮歸來傷遠目零落山邱昔華屋素心社散半鬼錄生逢龍
兮死逢蛇屈伸自古無常家母老子幼魂其嗟我縱言之將何
補西湖年年多風雨誰使波濤化場圃遙持一杯酌黃泉君未
了事敢弛肩但願人生終百年

和庵張君墓誌銘

道光二十八年七月辛丑刑部安徽司郎中和庵張君卒於官其子其煜等扶柩歸越二載葬君于其邑里仁社之原先期來請銘余故知君不得辭按君諱晉姓張氏初名禮三字和庵別號拙園嶧縣人始祖希堯嘗糾鄉里健兒禦流寇邑人德之高祖俊士曾祖瑗祖魯文廩膳生三世俱贈中憲大夫父桂林乾隆癸卯科舉人歷任南匯縣知縣通州直隸州知州終潞安府知府授中憲大夫母王氏封恭人生三子次即君君貌豐而頎為人寬厚長者胸中條理秩如也嘉慶四年以川楚軍事輸饌王文直公遺集

卷五

十

授主事籤分刑部既補安徽司主事乃乞假省親於潞安居三載逆匪林青作亂陷滑潞安匪黨起與之應君襄城守偵知賊渠所在率眾掩捕獲之事乃定時嘉慶十八年也逾歲丁父憂服除補山西司主事久之擢四川司員外郎遷安徽司郎中仍兼四川司事道光十五年充熱河都統衙門理刑官代還兼廣西司事君官刑部前後四十餘年決獄平恕簿冊皆以罪疑惟輕題識之在熱河役某以逼人致死誣鄉民已具獄矣君讞得其情出鄉民論役如律其無枉縱多類此其兼廣西司也同官為滿洲景瑞霍山吳廷棟合肥李文玕率瀆樸不事聲譽時稱

秋曹四君子喜藏書家有萬卷樓退署手一編往復不輟綱目
通鑑點勘各數過顧是時

上意方重科目再以知府保薦輒報罷君遂沈滯郎署老矣君
友愛最篤初筮仕與兄戶部郎中敬恒同宅居戶部沒弟龍安
知府聘三遠在蜀時時念之後龍安以引

見入都相見歡甚倩人繪既翕圖相約歸林下逮龍安解組而
君乃以柩歸嗚呼是可悲矣君積階授中憲大夫卒年七十歲
娶邳州陳氏封恭人先君一年卒子六其炳監生先君卒其煜
癸卯科順天舉人其熾候選府經歷其燿郡附學生其烜增廣

王文直公遺集

卷五

十一

生其勲監生孫十一仲增附學生仲坦議叙從九品仲墀仲垓
仲壇仲堅仲執仲垠仲圭仲堃仲堪曾孫四元鍾元鑑元銘元
錦銘曰

嗚呼斯其君之室也卅年一官忽若瞥也彼瓦而全孰玉而缺
也不凌嶮巖其無脆脆也信于公其有後世乃謂柳下之拙也
其何怛也

上意方重科目再以知府保薦輒報罷君遂沈滯郎署老矣君

友愛最篤初筮仕與兄戶部郎中敬恒同宅居戶部沒弟龍安

知府聘三遠在蜀時時念之後龍安以引見入都相見歡甚倩人繪既翕圖相約歸林下逮龍安解組而君乃以柩歸嗚呼是可悲矣君積階授中憲大夫卒年七十歲娶邳州陳氏封恭人先君一年卒子六其炳監生先君卒其煜癸卯科順天舉人其熾候選府經歷其燿郡附學生其烜增廣

張苔山先生墓志銘

先生諱曰斑字蔚亭別字苔山姓張氏先世自福山徙館陶居艾寨村曾祖其宗廩膳生祖恕附貢生父大雅邑庠生艾寨東園有老梅一株數百年物也先生生時大母夢移梅別院即先生墮地處因名梅既長愛梅放懷詩酒簡傲以為質而縱脫以為文見者如遇諸孤山巖崖間弱冠為諸生與濟南名士掉鞅文壇既久不遇歸築草堂於三全河上顏曰尊西謂尊酒之西有東道主人焉草堂踞清淵勝地先生蒔花種竹觴詠其中清淵之士不知其地有詩人也先生疾俗如仇又懲士人尚口書

王文直公遺集

卷五

十一

座右云得意忘言足矣過門不入何妨慕乘崖闕又乘軒並以自署其孤尚如是然至一二知交刻燭浮白則淋漓不厭嘗病酒客強之以不能謝客曰昨日酒還今日醉誰句耶先生無以答既而語人曰客幸未舉我為壺欲碎身句也久之以明經選兗州府儒學訓導履任不二載解組去博士故冷官先生視之若癭疣矣先生書師懷素詩自唐宋以下於明則稱謝四溟近人則取吳蓮洋平生詩多不存稿其存者尊西詩話二卷嗚呼世以空談目文士久矣乾隆丙午值歲饑邑令設廠煮粥以賑見先生所為金錢花詩愀然曰懼不給耶廠增米三百石先生

偶爾寄詠邑民已隱被其德風雅中固有實事在豈易為俗人
言哉先生卒於道光七年十一月年七十有五娶趙氏繼郭氏
張氏俱先卒杜氏於先生卒後督幼子使讀父書克繼其業後
先生十九年卒子維銛廩膳生杜出女適監生汪元凱郭出孫
汝佶汝偁汝偉維銛既以道光丙午十一月合葬艾寨南阡己
酉春持余同年友維銛書來乞銘維銛先生猶子也先生之任
竟郡學博也東槐以弟子員試拔萃科曾一再晉謁忽忽二十
有五年矣覽先生事狀棖觸今昔其忍不銘銘曰

誰與子子古梅化身老作詩客為酒主人橋門偶羈儒風則醜

王文直公遺集

卷五

三

雅談一帙乃自寫真衛汶曲環有萃其墳嗣起毋忘澆茲遺芬

尚選鄭君暨配節孝李宜人墓誌銘

有源於歛族於濟徙於滋寔於濟之琵琶山者是為尚選鄭君之墓君諱思舉為太學生年二十有五而歿行未施於世銘之者則以君配李宜人節宜人亦濟人少君一歲年十九歸君為君婦者五年為君養父母者二十餘年為君立嗣教養以成之又三十餘年凡君所宜為而未克為者宜人為之皆盡其道嗣子渥既長以五品銜贈君及其先世宜人謂君有後吾事畢矣宜人年八十有六卒於道光二十二年壬寅君之卒則乾隆四十五年庚子蓋宜人稱未亡人者六十二年也婦人以蔭而王文直公遺集

卷五

十四

無子為最苦然所繫亦最鉅果能延一綫使宗祀不墜即興滅繼絕何以異焉宜人之節既得上聞

旌其閭矣顧其志豈為一日之榮直以為分內事宜如是耳君之歿也君考明經公宇震悲宜人莞弱常使依母家宜人固不可每歸甯數日輒返宜人為壬辰進士汾州別駕元坦女幼誦內則女誡諸書通曉大義云子一渥候選同知孫六毓榜毓樽毓模毓棠毓村毓楹銘曰

茁也而折之儷也而子之松柏有心腸其九結之移根接榦維其掇之幽光潛發卓爾其綽楔之銘諸貞石筆其鐵之

馬君采藻哀辭

馬君采藻先君之執友也嘉慶己巳先君偕友人遊江南泛杭之西湖歸行淮揚道中先君病疫昏然不復知人時霖潦塞途資用乏絕又疫染人不敢近諸友相顧散去君忿然起曰與人同行千里外疾病莫卜生死奈何棄之傾其橐供藥餌食飲扶舁先君行泥淖中十餘日乃抵於家時東槐才八歲先祖使拜君於庭曰非馬君汝父不能歸矣先君亦瞿然歎吾將何以報馬君也對親友輒欷歔言之嗚呼此三十年以前事矣遊江南後十年先君即世君猶康強無恙東槐時與相見君未嘗一言

王文直公遺集

卷五

五

及前事獨東槐藏之於心刻刻不能忘耳朋友一倫於今殆將廢矣如君之行允宜表揚於世以敦厲薄俗不獨有德於先君也君今死矣而世顧無知君者可哀也夫辭曰

君居於鄉無以異人朋友急難不恤其身亦既生死而肉骨兮孰知所歷之崎嶇而愁辛彼落陷穿不一援手兮呼之不應更眈視而相瞋我揭君之高義兮羌千載而如新

菊史先生誄

同年友張子廉泉以進士供職內閣滿十年將乞假歸省其親未果而太翁菊史先生訃至廉泉哀毀痛恨不及早歸得一見先生也余為廉泉悲因次先生行事而誄之先生諱漢超字友班臨清人菊史老人其別號也居威武門外舊為大姓林氏別墅頗擅園亭之勝父霖有隱德先生生甫周歲遭逆匪王倫變父攜之匿古墓中以免稍長從張灤川讀書為制藝既而家中落俯仰無以為計乃決然舍去闢除園之荒廢者而墾之得數十畝更治岐黃家言懸壺州之南鄙資是二者以養親以其贏

王文直公遺集

卷五

六

入貲為國子監生先生有弟雙泉君幼負奇氣喜游俠金到手立盡屢負債先生隨所負償之以為常雙泉君既倦游先生乃舉所營田產悉以畀之自留老屋數椽怡然得也性癖愛菊門內菊畦縱橫所植近百餘種或聞有佳種數百里必致之培養灌溉揮汗弗輟藝菊之暇則閱書史自娛於儒者立身行己皆能識其端緒嘗言為人存心要立誠涉世要立品讀書要立志若使口談忠孝行事絕不相類此便是穿窬之盜也識者韙之廉泉官中書迎先生至京忽秋風起憶故園菊即日命駕歸歸後六年卒年七十五也著有菊譜十餘篇備養菊之法詞曰

我聞先生有偉其軀童顏鶴髮匪山澤癯興言高蹈其逢其樗
勤身養志焉知其餘西山采藥東臯荷鋤衡門之下黃花襲裾
先生徂矣風景不殊嗚呼哀哉

王文直公遺集

卷五

七

天竺山矣風景不殊嗚呼哀哉

東臯采藥西山采藥東臯荷鋤衡門之下黃花襲裾

天竺山矣風景不殊嗚呼哀哉

祭宗海劉先生文

嗚呼成連往矣海風倒吹華陰市散大鳥聲悲嗟嗟吾師乃至
於斯傷心國僑痛哉子皮無為為善夫子我知憶昔元亭載酒
問竒韶年作賦入洛陸機叨蒙獎借青雲可梯闢除荆榛示之
衢達康莊縱轡鞭策仍施曰篤不忘與古為期彈指春風廿載
於茲深慙駑駕空泣路歧惟師風範絕人攀躋張華勵志爰自
少時寂默其容沈毅其姿繩牀鐵硯畫粥斷齋鄭心鎮瓜向閣
燃藜窮年兀兀樂此不疲小子蹉跎春月秋曦朋酒徵逐乃荒
於嬉慙負師訓時過馬追惟師治經為舍為菑周秦兩漢別畛

王文直公遺集

卷五

六

通蹊又如江河浸潤灌滋屏其邪說防水以隄既醅既充乃昌
於辭小子泛濫目眩妍媸百家雜進縱橫支離慙負師訓耗精
罔裨惟師提躬抑抑威儀謂此筋骸呈露天倪蕩搖其精與存
者希昧而弗講詩書糟醜惟師之言躬允蹈之動止尺寸設繩
懸規竹生有筠玉琢為圭邃然德宇如山含輝小子樸拙步趨
是依詎知盎睟根柢無欺慙負師訓千里毫釐惟師接物冬日
和熙叔度汪汪堯夫怡怡正邪臧否照水燃犀胸有涇渭口無
彈譏東林黨錮標樹幟旗揚清激濁與世瑕疵師謂不然言孫
行危事每稱佳有司馬徽小子逞臆較高論低動遭齟齬羣然

笑非慙負師訓自生嶮巇嗚呼午歲相從洎亥六期後稍睽別
作客羈棲每歲登堂考德辨疑朱藍附近非隔山谿酉歲北征
秋風遠辭持賜青錢言緡之絲選應張鶯藉作提撕明年計偕
棧問履綦下言科場升沈難齊縱乖冥翅諒非所歎還讀我書
正資考稽師覽而笑達觀如伊志能有定其可與幾自分蒙昧
詎窺藩籬方倚陶鑄在鈞為泥胡天不愁哲人遽萎安仰安放
逝將安歸嗚呼禮堂月冷絳帳霜霏遺文滿篋墨瀝淋漓蠹走
塵封編校者誰愧非翔藉以繼昌黎疇曩講授闡幽顯微紛綸
貫串具有綱維倘能載筆錄成近思留貽學人刮膜金鏡今所
王文直公遺集

卷五

九

記憶彷彿依稀什一千百猶拾殘瓊愧非尹謝書修程遺千秋
所託銘誄是資傳聞生異撰述敢遲小子不讓伐石磨治愧非
中郎題有道碑嗚呼已矣馨欵未寂龕上露晞兆啟幽宮白日
奄馳惟二三子置翼設披素車白馬痛哭俱來土其榮負墳其
芑為惴惴臨穴靈鑿不違一似函丈濟濟追隨空餘宋玉招魂
天涯

祭黃兩生先生文

嗚呼日月奄忽曾不數年平生知己凋落摧殘先後徂謝文定
文安嶽嶽文恪畢志九原三夫子者功成業完緊惟吾師獨酷
於天懷材蘊智鬱而未宣江湖萬里歸路茫然惟臺為郡碧澗
之渚師起其間風期振舉顧視儔黨無可與語聞學所傳接蹤
鄒魯晦翁勉齋淵源可數破浪來遊天風送櫓日新堂中十易
寒暑三十而娶斯道已古四十曰強乃仕於朝南宮釋褐觀政
水曹省覲歸來錦幔官袍歲值龍蛇與禍相遭蠢蠢赤子探丸
叫號煽惑羣醜沸湧如潮閭左報復血人於刀蠶屯蟻聚不可

王文直公遺集

卷五

三

爬搔師方授徒赤嵌講席觀察過邀燈前草檄固謂叔度鄉國
矜式披瀝丹誠冀安反側事起倉猝罪人莫得指魯連書為通
聲息三十餘牘競起彈射蜚語刺天岌岌不測師挺身出步謁
軍門質孥於獄願靖逆氛視此么麼如蝨處禪抵厥窟巢禍福
剖分約獻其渠以貸餘魂衆為縮首其氣愈振旋芟旋雜咸與
維新羽書入奏

天語褒聞惟師德性溫和退讓及其建樹亦何激壯豈非智勇
忠信是仗倘承倚畀天工時亮在室為棟於澤作障可以大受
斯言非妄八載郎署材老氣王胡為一瞥揮手崑閬嗚呼龍泉

監役庚子凜秋月凡五閱素髮盈頭面皺膚削致疾斯由英英
仲子開道驂騶芳蘭遽折松老棲愁日更支離撐拄彌留痛深
祝予匪藥能瘳身後之事徧告友朋鄙如小子亦輸以情倚病
在牀執手涕傾相顧瞿吁微意可徵師實命我其敢不承陵谷
遷移人事難憑我心匪石胡鑄以銘曾是傭保而愧王成嗚呼
疇昔情緒在目如繪師謂上都文物之會近郊耕桑長世攸賴
擬規一區山水向背稍起蓬蓽兼植松檜足了此生身其可勾
斯謀未遂玉棺已蓋佳城待卜青山何在

王文直公遺集

卷五

三

淇若朱翁王詩之蓋對無於之青山何在

對賦一函山水自昔惟然無辭於命又下地生良其何在

書首書詩自目收餘韻語止情文必之會近液棟桑身廿於陳

身入軍無然其以且公陳繼心誰曾長辭於而對王如高和

山林於子氣財財賦賦和始意下始而實命於其煩不衣刻各

孫子垂藥於其後之車高吉又限晴吹小千亦能以對高和

對平開並難謝衣蘭紅林林失對於日更支鋪對林爾留龍

遊於東子靈寐凡凡玉關素髮盈頭面皺膚削致疾斯由英英

五君詠

晨夕既久性情斯深不已於言聊為寫照

水部雄且傑目攝諸曹郎京華二十載鬱鬱氣不揚酣飲縱談

辯潑墨肆顛狂黃鵠羣雁驚大笑傀儡場牟一樵所

儀曹性孤迥守拙得所適閉門風雨深巷絕車馬迹有時率意

遊散髮脫巾幘絲竹愜清聽歸路夕陽碧袁幼泉溥

海曲老經師儒林鄭孔派著述盈尺強積卷腹宜曬我視殊嫵

媚世目多賊怪永叔曾有言古器今難賣許印林瀚

比部千里足低首受羈控才高心能下神斂鑿益洞涇渭自清

王文直公遺集

卷六

濁蕉鹿何夢夢閑歸看竹軒獨對月吟弄張翼南銓

屯田物無競不見瞋喜顏汪汪千頃波流注胸臆間情矜有窘

步意曠得境閒何如通與介惟取性所安孔誠甫慶鋤

渡江

解纜瓜步渡風定江如砥薄霧曉濛濛柔櫓劃烟水不知舟行
速但見波皺綺鐘聲來浮玉相失近在咫須臾霽色開帆影互
復委回首望焦山蒼翠墮船尾

單父吟

單父之山高單父之水深山水兩空濶中有太古音魚適歸絕

壑鳥飛高樹林欣然一寫之萬物羅胸心笑謝披星者塵埋纓
與簪

陳橋行

甲馬營中真人起殿前檢點作天子手握兵符掌軍行黃袍加
身兒戲耳旋師稱名迅如掃孤兒寡婦誰與保他日杯酒釋兵
權也知開基殊草草

壽南山先生

南山先生年七十丹顏鶴髮雙瞳碧世上萬事不挂眼案頭著
書高一尺少時詩名動京都覃溪墨卿輪雙扶肩隨雲泉二三
王文直公遺集 卷六 二
子笙鐘萬壑追髯蘇偶向楚澤拾香草挂席攜筇香爐曉仙吏
風流付輿評詩囊打疊歸來早東園十畝珠江偏濤聲日聽松
風寒苔花被徑黃葉滿吟聲飛出青林端

國朝風雅邁前代王李鍾譚埽靴歸愚別裁標唐音蘭泉詩
傳導宋派先生論詩先論人人譜詩史皆翻新攜來小齋低頭
讀風味似與嶸峴親聞道先生腰脚健摩腹飽進胡麻飯名山
著作老不休我欲從之考文獻

岳州行程

十二髻鬟比肩立林幄烟袂浸波濕仙樂奏罷閑魚龍黜古橫

卧湘靈瑟白蘋風起轉船頭扁山不動如停舟竹露搖月弔山
鬼丸泥請塞湘水流

御河

長安雨洗塵氣空御河新漲泛清泚蘅茝幽姿媚初晴相攜共
踏芙蓉水萬柄搖風翠蓋張天孫雲錦蔚七襄亭榭互延花中
峙勢如彩鳳天際翔是時三伏氣蒸鬱到來沁骨凌冰霜東望
單椒縮蒼黛金支翠蕤紛掩靄瓊華窈窕新洗妝對鏡簪花迥
絕代紅蓮瓣瓣浮雕欄中流髣髴太乙船排雲宮闕夢不到蓬
壺忽落在眼前霓旌雲罕動蘭漿

王文直公遺集

卷六

三

宸遊花水引仙仗鳧鷖在渚魚在藻何人彩筆干氣象龍澤波
澄延

恩暉歸來荷香襲人衣

懷人

木落雁叫雲滿天懷人愁生客歸前人海滾滾塵眯眼冰雪締
結良獨難有美一人玉照顏對君使我俗累捐亭亭逸立塵表
外青松白鶴綠漪連長安遊客多少年貂裘駿馬橫金鞭縱博
徵歌誇豪舉君獨避之如腥羶孔方不交管城子我輩幸餘翰
墨緣玉溪體格西崑沿抽青妃白窮雕鏤晴窗愛摹唐人搨愁

未笑過柳誠懸何來嗜痂偏好我每逢新作呼參禪歌酒淋漓
遺形跡往往風雪對牀眠孟陽割宅主人賢蹀躞過從來仲宣
文通彩筆仍青氈左拍右搥吟游仙君忽掉頭不肯住珊瑚洲
上浮釣船細君才高工詠絮盤中寄詩薛濤牋梅花已開待君
至妝成侍兒嬌可憐遊子愛唱還鄉樂况對雙鬢調湘絃富貴
功名吾何有丈夫勵志龍潛淵青山閉門多閒暇好擷蘭茝纫
蘅荃別後應知思今夕明春示我山中白雲篇

廣武

楚漢戰爭地山川顧盼雄河聲飛雨急日氣燒雲紅北指燕臺

王文直公遺集

卷六

四

接西臨函谷通茫茫千古局阮籍恨難窮

贈張翼南

長安比屋居彈指十年餘論古能開抱尋交每並車別來春色
暮話久夜江虛真合恠雙鯉浮沈隔歲書

送程紹卿旋里

不作長安客應憐負米身高堂老親在千里望歸人楊柳淮南
路風帆江上春素心憑認取曾否染緇塵

出都

愁緒紛難理徘徊出

帝都新霜驚短鬢落葉黯長途家向重泉問身如一雁孤桑乾
遲渡馬回首望蓬壺

白髮高堂夢應為遊子悲歎名無尺寸家室有乖離愁入心還
遣寒侵骨耐支幸餘頑健在持慰倚閭思

過曹縣懷章直齋先生

曾此登堂奉羽儀虬松百尺照瑰姿三年報績調琴鶴萬里從
軍賦鼓鞳自昔胸懷殊磊落近來踪跡竟支離更堪防海登萊
岸負劍腰弓素髮垂

黃河

王文直公遺集

卷六

五

底柱東來太華分洪流日夜走渾渾排山勢挾百川湧動地聲
騰萬馬奔竟想靈源接天漢長浮灝氣貫中原八年疏鑿勞神
禹賈讓空將上策論

岱頂觀日出

卧聽松風萬壑雷披衣攜杖步崔嵬地中紅日深更見天外仙
霞橫海來絕頂高寒歷水雪前朝封禪認莓苔磨崖細讀開元
字却笑秦皇空霸才

贈吳子序

三月邗溝春未殘相逢李子問平安能禁塞上風霜苦獨覺胸

中邱壑寬短髮蕭騷陵暮色長才跌蕩對狂瀾積陰乍解寒猶
薄且合披裘理釣竿

送孫宜年同年東歸

燕臺擊筑奈愁何十五年來彈指過古調不堪儕下里少年偏
解笑阿婆蕭條六館何蕃去涕淚千秋杜默多回首田園蕪未
也人生竟合守烟蘿

祝徐壽民

紫府仙人海鶴姿過庭一卷白華詩

翁為孝子慎齋先生冢嗣

江湖寄跡隨

吳榜甲子疑年到絳師自有雀環爭報德

里有妾婦貧不能自給翁為其子書緘銀

王文直公遺集

卷六

六

致之子歸為之泣下依然鴻案與齊眉東樓會看撰鳩杖綠鬢丹顏中聖
時

梅花香裏送霞觴萱草忘憂樹北堂不愧高風徐孺子堪稱祖
德蔡中郎明珠掌上麻姑米斑彩庭前萊婦妝誰倩洪崖傳鶴

信同年洪維橋傳箋索題

羨他西母宴東王

送別

與君相見轉相親忽聽驪歌一愴神正是清明憶家日不堪惆
悵送歸人鶯聲細雨都門酒草色青袍驛路塵為語景光須愛
惜飛花未減故園春

自笑一生常認真杜陵又見眼中人三年已滅禰衡刺一獻仍
韜和氏珍獨向墨池追草聖好尋書帶祀經神他時再踏青門
路尺五城南願卜鄰

五日城南出遊

佳節合供無事身城南遣興絕縵塵于郊便作歸鄉念結伴都
如出世人紫李黃瓜村味美香車寶馬客愁新家山記得年時
事酒酌菖蒲邀比鄰

新柳

園林彌望添佳氣又見青青柳色新意態飛揚殊旖旎韶光點
王文直公遺集 卷六

七

綴最丰神和風乍展紅亭外細雨偏縈綠水濱村郭繚連齊向
曉樓臺圍繞總成春纔堪語燕通芳信恰有流鶯作比鄰遠勢
淡濃盤馬路輕陰多少看花人溪開罨畫爭傳照殿啟靈和不
染塵况是

帝城天近處先承雨露玉河津

題畫

絕巘松生澗幽澗泉鳴玉聽水復聽風歸來理琴曲

淺水荻花岸微風一葉舟看君隨意釣可是直鉤不

野店依山前小橋跨溪口林巒夕雨過霽色淡高柳

疏樹曉冥冥空翠落階砌入山恐不深盡日開門閉

文登題畫

鱸魚紅樹艷江鄉水繪吟情又夕陽風雨峨眉皖山雪煩君一畫漁洋

撥盡蘭膏夢不成關山屈指計行程良人合有音書到明月秋林度雁聲

為愛黃花晚節香家山風雨話重陽十年未作思歸計回首田園已半荒

瓜步江空落照微中流無恙布帆飛行人莫問前年事烽火西

王文直公遺集

卷六

八

風燕子磯

幾年不向官橋路薛水潺湲盡日閒今日披圖如夢裏風光錯認奚公山

竹風浙浙樹蒼蒼矮屋三間八尺牀欲寄心期彭澤叟北窗何

日不羲皇

無心來去山林客自汲清泉煮白石向問真訣口不言鸞鳳嘯

音蕩空碧

文章何處覓知音有客欽崎抱古心多恐出山為小草却將著

述老山林

曾子故里

六藝身通七十賢却憑質魯接心傳依稀金石歌聲在一帶林
巒繞暮烟

躬耕力食處蒿萊傳得孝經經義該至道何嘗辭細務風徽永
峙種瓜臺

行河隄

橫成長嶺矗成岑瓠子宣防機慮深歲歲安瀾無底事也耗

天府萬黃金

河陰山

王文直公遺集

卷六

九

長隄延亘路迴環信宿陳留榮澤間却喜曉雲開霽處隔林忽

見河陰山

渡河

萬頃桃花一葉舟飄然直作御風遊看他濁浪滔滔下千古何
人截衆流

都中口號

長安風物菊花秋學士消閒載酒遊中路忽傳

天語下被人喚作王衡州

悼亡

拋殘錦字滯雙魚多少新愁舊病餘彈指忽成生死別三年祇得兩封書

愁聽樂府唱刀鐮四壁烟空土銜寒竟作望夫山上石可曾有夢到長安

捧心眉蹙畫難成病體年來與命爭瘦損匡牀強支枕柔腸夜夜斷蛩聲

樓頭却憶燕雙飛辛苦將雛歎力微補屋長愁足風雨奩箱典盡嫁時衣

浪跡天涯作客孤笑他呷啜對妻孥多君一語還相慰兒女情王文直公遺集

卷六

十

深豈丈夫

却罷癡情恨女牛連番烏鵲渡新秋從今莫話星橋事一段明

河萬古愁

亡妻卒於閏七夕之前五日

西窗剪燭誤前期傷悼誰言竟預支嬌女牽衣兒捨地不堪夫

婿獨歸時

初聞亡妻病深懷愁慮同年年一樵工部謂余預支悼亡故非戲語

南頂竹枝詞

午城明日是端陽新製羅衫稱體涼好約西隣諸姊妹侵晨南頂去燒香

兩行楊柳碧如烟郭外風光別一天知了一聲金犢過高梢初

次聽鳴蟬

琳宇門迎南苑開白沙

御道近香臺春旂楊柳多顏色記得

君王射獵回

蓮臺拜罷迴含羞欲訴衷情可自由願得海天澄似鏡不教夫
婿覓封侯

只恐輕衫香汗濕迴廊小立午陰移畫橋人影匆匆甚又上河
房看水嬉

一水盈盈畫檻西若為惆悵夕陽時柔情最是纏絲處玉臂新
王文直公遺集

卷六

十一

添五色絲

秋實佳刻

君王射獵回

御道近香臺春旂楊柳多顏色記得

琳宇門迎南苑開白沙

次聽鳴蟬

滕縣王文直公大節凜然昭垂千古固不必以文傳即以文論
其在諫垣時疏稿一出莫不爭相傳誦人之求附公文以傳者
酬答無虛日武昌之變著作盡燬於兵家人哀輯殘稿奏議數
篇外半皆酬應之作然有真性情存乎其間亦何嘗不可傳也
曾文正公銘邵比部墓曰愍東南之塗炭仁聖與螻蟻而同捐
著述盡其蕩盡僅弔仄裏之殘編文之精者不復存存者又未
必果傳獨其耿耿不磨之志與日星而長懸後之尚論公者毋
亦有同慨歟佑宸為詞館後進又嘗視學山左景仰高山未獲
一見顏色今與公子宜勛同官江南得讀公遺集謹書數語歸
跋

卷六

之竊以挂名簡末為幸矣

光緒七年辛巳五月館後學趙佑宸謹跋



文直公授命湖北文篋無存原籍捨擾頻仍舊作亦復散失冢
君宜勗搜輯若干所幸疏稿猶有六首餘則寥寥獨壽文較富
耳竊惟楊忠愍集疏不過二首餘亦無多而浩氣丹心自昭千
古然則人如忠愍集又奚以多為依類敬為編次讀者當見文
直之梗概至片辭隻字所宜寶藏俟續編焉可也鄉後學蓬萊
朱昌霖謹識

跋

卷六

十三

朱昌霖新編

直之對琳至以... 宜寶藏... 疏稿... 六首餘... 寥寥... 獨壽文... 較富... 耳竊... 惟楊... 忠愍... 集疏... 不過... 二首... 餘亦... 無多... 而浩... 氣丹... 心自... 昭千... 古然... 則人... 如忠... 愍集... 又奚... 以多... 為依... 類敬... 為編... 次讀... 者當... 見文... 直之... 梗概... 至片... 辭隻... 字所... 宜寶... 藏俟... 續編... 焉可... 也鄉... 後學... 蓬萊... 朱昌... 霖謹... 識

歲己卯王汝岱大令假旋省墓庚辰夏高軒過從手其先文
直公遺稿見示乃數年前昆仲哀錄藏諸行篋者將付剞劂屬
為檢校憶余所見公古文雜著監試記外曾不數數觀今獲是
編如窺枕祕矣披讀數過魚魯烏焉傳寫或誤不揣譚陋反復
參究深懼錯改金根轉滋紕繆若公文章節義光河嶽而炳日
星處為碩儒出為名臣胥於是乎見經當代諸鉅公論列詳備
無俟鯁生之贅語也大令方試吏閩海茂著循聲實公敷歷之
區行且發名成業綿其休而振厥緒以流被於無窮不獨手澤
所存栞布海內克篤前人光焉爾光緒六年暑月同里後學張

跋

卷六

十四

尚龜拜讀附識

尚龜拜讀附識
光緒六年暑月同里後學張
跋

尚龜拜讀附識
光緒六年暑月同里後學張
跋

尚龜拜讀附識
光緒六年暑月同里後學張
跋

尚龜拜讀附識
光緒六年暑月同里後學張
跋

尚龜拜讀附識
光緒六年暑月同里後學張
跋

尚龜拜讀附識
光緒六年暑月同里後學張
跋

尚龜拜讀附識
光緒六年暑月同里後學張
跋



